



Nunatsinni erngup nukinga atorlugu pilersuinissamut kiisalu avammut niueruteqarnissamut periarfissat unammilligassallu erngup nukinganik nukissiuuteqarfiusuni piukkunnaatilinnilu Naalakkersuisut nalunaarusiornissamut peqquneqarnissaannik Inatsisartut aalajangiiffigisassaattut siunnersuut. Nalunaarusiami erngup nukinganik nukissiorfinnik pilersitsinissamut aningaasalersuinissaq kiisalu tamatumunnga periarfissat ilaatinneqassapput. Nalunaarusiaq kingsinnerpaamik inatsisartunut UKA2017-imi saqqummiunneqassaaq.

(Inatsisartunut ilaasortaq Anthon Frederiksen, Partii Naleraq)
(Siullermeerineq)

Naak amerlanerussuteqarluartut isumaqatigiissutigereeraluaraat kissaatigigipput, CO₂-mik mingutsitnerup millisarneratigut silap pissusaata allanngoriartornera kingaallatsinneqassasoq, nunanut aalajangernikuuvugut nunap immikkoortuatut Parisimi isumaqatigiissummut ilaaniarata. Peqataajumannginnerput Demokraatini tunngaviusumik isumaqatigaarput, taamaakkaluartorli isumaqarpugut pisussaaffigigipput sakkut atorsinnaasagut atorlugit silap pissusaata allanngoriartorneranut sorsoqataasariaqartugut.

Sakkut atorsinnaasatta ilaat tassaavoq erngup nukinga atorlugu innaallagissiorfeqarneq. Paarlattuanik assersuutigalugu Kalaallit Nunaanni aluminiumik tunisassiorsinnaavugut, taamaassappallu CO₂-mik mingutsitsinerput malunnartumik annertusineqassaaq peqataanillu nunarsuarmi CO₂-mik mingutsitsineq appartinneqarluni. Pissutaalluni nukit atorneqartussaq erngup nukinga atorlugu innaallagissiorfimminngaanniissammat.

Taamaattumik Demokraatini nuannaarpugut nukissiuuteqarneq pillugu immikkoortumut pilersaarut Naalakkersuisut 2017-mi saqqummiunniarlugu neriorsuimmata. Neriuppugulli immikkoortumut pilersaarut, assersuutigalugu aalisarnermut inatsisissatulli naassaangitsumik kinguarsarneqartuarluni pineqassanngitsoq.

Ilalerparput siunnersuutip Eqqissisimatitaanermut Avatangiisinullu Ataatsimiititaliami aappassaaneerpeqartinnagu suliarineqassasoq.